

Aatsitassanut Ikummatissanullu Pisortaqarfik

**2009/14-imi aamma 2012/41-mi 2D-nik sajupillatsitsisarluni paasissutissanik aamma immap naqqanit misissugassanik katersinissamut qinnuteqaammik tusarniaanermut NNPAN-ip akissuteqaataa**

2009/14-imi aamma 2012/41-mi 2D-nik sajupillatsitsisarluni paasissutissanik aamma immap naqqanit misissugassanik katersinissanut qinnuteqaammik tusarniaaneq Nunami namminerimi, Pinngortiamut Avatangiisinullu Naalakkersuisoqarfik (NNPAN) 2012-imi marsip 28-anni tiguneqarpoq.

Sumiiffik qinnuteqarfigineqartoq Kalaallit Nunaata kangiaata avannaaniippoq. 2011-mi aggustimit oktobarimut misissuisoqarnissaa naatsorsuutigineqarpoq.

**Sumiiffiit innarlitsaalisat**

Sajupillatsitsisarluni misissuiffigineqartussatut qinnuteqarfiup ilai qilalukkat arfiviillu innarlitsaalisarfiinut aamma aarrit innarlitsaalisarfiinut qinuttumiipput. NNPAN-imit maluginiarneqarpoq misissuinissamut piffissaliunneqarsimasup ilaa qilalukkat, arfiviit aarillu mianernarnerisa nalaaniimmat (juulip aallaqqaataanit septembarip 30-annut – juunip aallaqqaataanit septembarip 30-annut). NNPAN-it piumasaqaatigaa sumiiffimmi uumasunut pisariaqanngitsumik ajoqusersuisoqannginnissaanut innersuussutit malinneqassasut.

**Sunniutit sakkortusiartortut**

NNPAN-imit maluginiarneqarpoq sunniutit annertusiartornerisa misissorneqarnissaat pingaaruteqarsinnaammat. NNPAN-imit ilanngullugu innersuussutigineqarpoq sumiiffimmi ukiuni aggersuni suliaqartoqarsinnaanerisa sunniutaat annertusiartortut misissuiffigineqassasut. Imaappoq ukioq manna suliarineqartussatut pilersaarutaasut saniatigut ukiuni aggersuni aatsitassarsiornikkut suliaqartoqaaqqissappat (sajupillatsitsisarnerit ilanngullugit) sunniutissaat nalilersorneqassasut, aamma sumiiffiit mianernartut eqqaanni.

**Sajupillatsitsisarnerit iliutsinut sunniutaat**

Sajupillatsitsisaruni misissuinerit qilalukkanut sunniutaat ASN-imi killilimmik taamaallaat sammeneqarpoq. Pingaarnertut sammeneqarpoq sajupillatsitsisarnerit uumasogatigiinnut qanoq sunniteqarsinnaanersut, ingammik qanittumiittunut tunngatillugu. ASN-imi ilisimatitsissutigineqarpoq uumasut pissusaannut sunniutit pillugit ilisimasat killeqarmata. Sajupillatsitsisarluni misissuineri uumasut pissusaannut sunniutit suusinnaanerannik arlalinnik misissuisoqarnissaa NNPAN-imit innersuussutigineqarpoq.

Inussiarnersumik inuulluaqqusillunga

Uiloq Mulvad Jessen  
Pinngortiamut Avatangiisinullu Immikkoortortaqarfik  
Toqq. 6708  
irum@nanoq.gl